


大日本史

自一百八十四
至一百八十六



番外書冊

和書門			
三二一六	二七	一三	五三
號	函	架	冊

內閣文庫			
三二一六	五三	一三	五三
號	冊	架	函

內閣文庫	
番號	和 13216
冊數	53 (49)
函號	138 102

史傳載紀

五十五





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





大日本史卷一百八十四

淺草文庫

列傳第一百十一

權中納言從三位源光圀 修

男權中納言從三位細條 校

將軍六

足利尊氏

足利尊氏初名高氏稱又太郎下野人也足利

家傳父貞氏讚岐守祖父家時伊豫守曾祖賴

氏參河守治部權大輔賴氏而上詳源義重

語中源氏系圖高氏襲先領元應元年為治部大

輔公卿補任元弘元年帝起兵討北條高時高氏

時新喪父高時強起往攻豈置赤坂高氏儼

俛而發城陷而還三年帝在船上山官軍大

盛北條高時又使高氏及名越高家總軍西

嚮高氏會疾高時促之甚急高氏怒謂往年

丁艱在憂服中彼不知之恤反趣赴役今病

如是又復見逼虐人一何至此哉太平記梅松論足利

家譜常樂記自是始有歸順之志初高氏大父家

時父負氏以源氏曹胤忿為北條氏所裁制

每有欲滅之之計而終不果高氏欲乘時釁

濟先人遺志即刀疾而起將拔族西行北條

高時長臣長崎圓喜聞之言高時曰足利公

源氏之宗今行以家屬自隨其意難測公何

不使其作誓書留妻子為質高時乃使言高

氏曰東國猶爾安靖宜以室家被遺託足利

北條世為水魚君與赤橋相州親結姻好何

為相容嫌疑而時遭禍亂人人相危願作誓

書以定衆心相州守時也高氏謀身直義直
義曰要盟神所不享今欲舉大義討無道小
節何足顧幼息衛以家士夫人附之舅氏是
又不足以為慮也高氏然之遺誓書于高時
曰軍事方棘惡得以妻孥自隨有之者浮言
耳賤兒今留在此即有不意仰煩庇護高時
大悅設祖會贐高氏以其祖源義家所持白
旗副以鞍馬鎧刀曰此旗二位禪尼傳我家
者今以遺君高氏心竊自喜焉與直義及吉

良上杉仁木細川今川荒川諸族率兵三千

發鎌倉太平記異本太平記先名越高家到京師翌日

間遣海老名季行于船上行在乞歸順詔報

平賊之日賞依其請光明寺藏書殘編賜季行以備

中井原莊異本太平記按梅松論曰高氏前遣人請編旨軍至近江時得之未

是知孰高家踵至不知其謀太平記時官軍將左

近衛中將源忠顯赤松則村來攻京師六波

羅鎮將北條仲時北條時益迎後伏見花園

二上皇及光嚴院嬰城禦之源忠顯赤松則

村屯男山山崎高家與高氏刻日往攻之高
 家為則村兵射死高氏引兵到大原野張飲
 久之傍有佛院名勝持寺大喜曰我將勝而
 持之聞高家敗死乃進士丹波篠村建旗八
 幡廟側桺樹始以唱義按增鏡曰後伏見不
 皇亦喜高氏之至不
 知其有異志賜院宣使政船上高氏乃西發
 比至其領邑丹波篠村聞高家戰沒迺揚義
 八幡社前今後太平記本國人久下時重率
 異本太平記梅松論

兵先至其旗号書一番字高氏問高師直對
 曰昔右大將源賴朝卿起杉山彼袒重光先

諸將而至右大將曰我若得老其以汝為賞
 首自書一番字賜之因以銘旗高氏喜寢時
 重曰得汝先至信我家興之兆也自是降附
 相踵得二萬餘人乃率入京臨發禱廟薦以
 隻矢直義以下將士各效之須臾積矢成丘
 行收降兵又得萬餘人比過老坂有鳩翔于
 旗上高氏以為瑞也命隨其所之行軍至神
 祇官故址而止因陣焉北條仲時北條時益
 發兵二萬來防高氏與戰敗之遂與赤松則

村源忠顯併勢圍六波羅城兵多出降仲時

時益遂奉光嚴院東奔途皆伏誅六波羅平

即遣使於船上奏捷車駕還京廢光嚴院

記梅高氏以功為鎮守府將軍進叙從四位

松論下任左兵衛督聽內昇殿補任尋叙從三位兼

武藏守詔改為尊氏尊即偏諱賜以寵之

太平記賜尊字在誅北條是歲上野太守成良

親王為東國管領出鎮鎌倉直義為執權建

武元年追論恢復之功尊氏為第一為武藏

常陸下總守護太平記叙正三位拜參議補任時

天下始定政歸官家朝臣方欲賴恢復遠草

郡縣兵為之制一返于古大抑排武士除中

興勲人外控弦之後徃徃失職守護威令不


行家人下編民伍加之女謁公行賞賜誓濫

雖起義之後或遣叙錄許本領仍舊者旋亦

收奪由是衆情憤怨思天下之權復出將門

率多屬望尊氏方是之時文武交惡內有如

水火焉尊氏固有大志矜貴自居寵擢驟至



意望不厭期必得源賴朝之比常睨視時釁
 圖以濟宿謀直義為之計畫然外示志款以
 媚朝廷帝不之悟也征夷大將軍護良親王
 才武有器略深惡尊氏所為屢請誅之帝不
 聽護良密徵兵圖之尊氏乃憑帝寵姬三位
 藤原氏告護良謀反上其徵兵令帝信之族
 護良于鎌倉附尊氏家士防送於是毒計益
 果太平記二年北條時行作亂攻鎌倉直義
 戰不利遣人殺護良親王奉成良親王西走

于時時行兵勢日熾太平記尊氏若請往討詔

許之又請任征夷將軍管領東國朝廷不聽

更任征東將軍尊氏怒不辭而發神皇正統

記作征夷謀矣按太平記曰帝遣使就命討

時行尊氏因奏曰元弘之亂臣首揚義兵將

士屬心以得天下統一功為不少自古征夷

將軍源平更受其任伏願冒辱此職上以輔

公家下以為私榮且擾亂致治無加速賞若

須奏後施行道路遠卒失望伏冀假臣

關東八州管領使宣從事二者不聽臣敢


東征帝乃許管領且敕征夷將軍當待賊平

而許之是說蓋非也今考系圖於是武士失

職業怨朝廷者一時奮起景從梅松軍到矣

矧與直義合而前北條時行遣兵拒橋本尊
 氏擊破之轉戰至相摸川又大破之時行兵
 遂逃潰尊氏進入錄倉梅松論帝遙授從二
 位補任又遣藏人頭源具光宣勞且促其班
 師尊氏欲奉詔直義固諫不可尊氏從之乃
 依源賴朝舊趾開置府治梅松論保自署征
 夷將軍東國管領擢賞有功撫納降附人思
 自致雖北條氏黨與傾心爭歸太平記時新
 田義貞亦源氏宗曾與尊氏族望相均俱為

中興勲臣尊氏固有異圖意害其功每最所
 忌憚也至是已盤據關東八州之地精兵數
 萬勢持強大大自詔策此時除義貞則其勢足
 以制持朝廷而天下之事可運於掌矣夙志
 可成矣復欲帝助已以討義貞上書列其罪
 狀乃命奪新田氏領邑在關已東者悉分配
 部下直義密移書四方招集兵士於是郡國
 樹黨分類親信舊故及目相視其存志朝廷
 者委關左而西上通意尊氏者辭闕宮而東



赴來往續紛道路如織

太平記
梅松論

公卿屢奏尊

氏及狀帝詔僧惠鎮往鎌倉諭旨旦察其情

狀未行細川和氏持尊氏書至其略曰元弘

之功東藩賊臣茂如朝憲傾蕩國家臣尊氏

不似不肯起師勒王人勵應義之誠賊動倒

戈之心以得勝於瞬息而攘賊於畿外義貞

朝臣為連祖謀擅戮鎌倉使命自知罪大無

所逃遁不獲己以稱兵聞臣已克京師始以

討賊唱名三戰不勝退計保守賴臣男義詮

以幼弱起兵下野威振遠近義貞得籍其衆

以破賊此戰雖在彼而切實在我義貞以之

上蔽聖聰叨邀爵賞可謂世之殘賊國之蠹

害者也臣今定餘賊久苦東征而在朝佞臣

阿附義貞讒謗交騰陛下不察之則所謂趙

高內用而章邯降楚之事將在今日矣夫弭

亂未兆廟堂之所務伏願乾臨下照速賜詔

許有以誅夷義貞黨類義貞亦上書罪狀尊

氏告直義殺護良親王事西國又上尊氏從

兵書乃遂詔削尊氏在身官爵

補任遣義貞奉

尊良親王討尊氏東海東山兩道並進

太平記

直義與諸將戎裝見尊氏請發兵迎拒尊氏

本意謂已功大勢強帝親遇亦已厚未輒以

義貞易已也聞王師遠下姦計頓沮乃謂直

義等曰我以源氏之宗義久已來為北條氏

所抑制今日乃獲位二品

太平記補任

職忝闕外

之寄雖以微功亦帝恩矣義不可背也今者

被譴正以戕親王與招兵故也而二者皆非

我所為陳情控訴冀其弭疑或不見聽使當

薙髮遁世以貽忠子孫耳卿等善為身圖我

終不彎弓向王師矣作色而入直義等相顧

不知所言諸將私與直義謀發兵往拒不利

直義繼發戰于越河原大敗

按梅松論曰尊氏聞義貞來攻

使高師恭拒矢矧師恭戰不利又使直義救之見敗退陣于箱根未知孰是

官軍

追抵伊豆府尊氏自聞諸將發兵惡已受反

名以軍事附直義自遁入建長寺

太平記按梅松論居

淨光明寺未知孰是截髻欲為僧賴左右諫止未即刻

剔既而直義等自喪軍還則府門皆閉叩扉
久之獨須賀公能出迎具言狀上杉重能揣
尊氏狐疑夷猶不能決斷使與直義謀偽作
下諸道綸旨文曰參議足利尊氏左馬頭足
利直義肆誇武威輕蔑朝憲爰命六師遽出
徃征及臣尊氏兄弟雖投身柔門遯蹤山林
所在窮討嚴加捉搦以正朝典謹勿令逋逃
連寫數十通持至建長寺尊氏視而以為帝
惡已殊深及計遂決將欲族取京師別有所

推立然猶未顯背朝廷聲言救直義乃脫道
服著錦直垂而出軍士大喜咸自絕髻以同
尊氏時謂之一東切逃亡士卒聞之爭還一
日間號三十萬太平記直義先發向箱根山
尊氏計合衆逆拒則可僅支不可大克乃別
由險道直出竹下梅松論足利高經等為前鋒
擊尊良親王前軍劫之賜屋義助更進奮戰
結城其部卒七百餘人戰沒會大友貞載鹽
冶高貞叛降尊氏因與來攻大敗之義助西



走箱根官軍聞之夜皆潰去尊氏使義詮留
 守鎌倉自與直義尾官軍西上延元元年正
 月至近江攻陷伊岐洲城太平記異本官軍屯
 據要衝撤橋施水柵尊氏分遣諸軍攻勢多
 芋洗親帥軍向大渡與義貞隔水而陣每進
 攻溺死者數百千人會細川定禪招集四國
 兵與赤松則村其子範資俱進南攻山崎擊
 破畠屋義助軍太平記梅松論長驅入京師義貞及
 諸路官軍皆潰走奉乘輿保延曆寺定禪等

放火燒宮闕尊氏摠諸軍入京師居藤原公
 賢第園城寺與延曆寺素相惡尊氏贈書園
 城寺招誘僧徒响以造三摩耶戒壇僧徒悅
 從尊氏乃遣細川定禪等據園城寺以逼行
 在鎮守府大將軍源顯家率大兵入援定禪
 聞之累請益兵尊氏不許既而顯家義貞攻
 定禪大敗之尊氏望塵揚曰園城寺敗當急
 遣救自出三條河原部分將士義貞追亡已
 入京師分陣東山之麓潛使兵裝為園城寺



敗卒混入麾下尊氏不覺之亦大布陣以俟
謂諸將曰義貞好野戰今其據山不下料兵
必少也使高師泰擊將軍塚陣見敗尊氏與
義貞戰數十合義貞所遣兵俄起左右諸軍
驚擾不知所拒遂大敗西走官軍乘勢急蹙
比至桂川尊氏窘甚幾自殺屬會日暮追兵
引還僅而得免即夜定禪襲破義貞走之尊
氏復入京師居數日官軍分道來攻遣足利
高經及宇都宮公綱等拒之親與源頭家戰

四條河原義貞兵三面掩至尊氏大敗義貞
分路追之尊氏兵回戰桂川殲里見鳥小族

二十六騎官軍引去尊氏又入京師

梅松論
書園城

寺敗已下與太平記多異蓋梅松論尊氏
家屬所記難全取之今從太平記明日

楠正成遣間而言新田義貞楠正成源頭家

戰死桂川尊氏信之欲遏其敗率分遣兵於

諸路京師空虛官軍伺釁縱火急攻尊氏大

敗竟走丹波

太平記

聞亡軍悉聚兵庫又走赴
之赤松則村曰此地故非形便宣入保摩那

城諸將或曰此自保之術耳今天下兩分彼我角立將軍一日入城則諸國失望官軍乘勢不可後也尊氏乃止既而顯家義貞率兵來攻直義拒戰豐島河原不利會大友貞宗厚東宗西大内弘世率兵來赴直義乘之戰澹川細川和氏等別戰瀨川皆敗則村說尊氏曰宜西行賴九國兵再取京師太平記貞宗亦曰我舟三百餘艘可以為西行資尊氏後之倉皇泛海士卒爭舟相排擠溺死者二

千許鎧馬悉棄進至備前兒島太平記乃遣

還佐竹義敦于東國仁木賴章于丹波細川

和氏細川定禪等于讚岐上杉憲顯異本太平記

賴于石見今川範國于備中桃井小早河氏


于安藝大内弘世于周防厚東宗西于長門

留石橋和義于備前太平記梅松論作斯波

並伺機同舉太平記異本太平記梅松論按


諸將於諸國與此小異尊氏與直義僅率見卒五百人

許進至赤間關少貳賴尚率選兵二百來會



至筑前蘆屋宗像大宮司政弼姓政弼迎而告之資以鎧馬舉軍由是稍安菊池武敏以兵數萬來攻諸將勸尊氏親出督戰尊氏曰我親當敵有小蹉跌全軍皆沒不如留在軍後俾先鋒有所係脫若不利徐率麾下赴之未晚也先遣直義往拒大戰多多良濱直義兵士皆徒步不甲衆懷必死莫不一當百武敏敗退直義追至博多武敏返戰銳甚尊氏乃麾兵而前大敗武敏松浦神田氏望尊氏軍

以為數萬至也卷旗來降武敏終走肥後保菊地城太平記梅松論使一色賴行仁木義長攻拔之武敏逃匿進拔八代城九國望風降附當是時仁木賴章誘久下長澤萩野波波伯部諸族據丹波高山寺城赤松則村據播磨白旗峯城石橋和義起備前築甲斐河三石二城田井飽浦松田頓宮諸族從之於是美作備中土豪一時蜂起悉應尊氏帝詔新田義貞西討義貞將大軍圍白旗城分兵出諸道



攻奈義能仙菩提寺三石城太平記尊氏留太

宰府踰月衆或謂乘勢急入京師或謂待秋

熟議未決梅松論會赤松則村遣其子則祐來

千太宰府石橋和義使亦至各告急尊氏乃

留一色賴行仁木義長守九國梅松論按太

長及大友少貳而梅松論記少貳急發太宰

府抵長門府訂舟始元曆中源義經以長門

串碕舟十二艘破平氏于壇浦因命其舟師

家永除課役尊氏以為兆也命守護厚東宗

西悉發其舟乘而到嚴島禱祀三日初尊氏

陷京師也謀奉後伏見帝曾緒為帝而諸皇

子皆後幸延曆寺不果及敗奔兵庫赤松則

村亦以為言則梅松論時熊野別當道右道

通從在軍素與藤原資名有舊尊氏乃遣道

有憑資名請廢主之命太平記或以廢主至


是三寶院僧賢俊齋廢主書而至梅松論曰

紫時於備後之鞠得院宣保曆尊氏悅曰我

事成矣乃製貼曰錦幡令諸將旗皆錦為之

於是四國西國兵士大來集軍氣益振尊氏
 率舟師五千隻由于水路直義將步騎二十
 萬由于陸太平記直義進拔福山城義貞解
 三石白旗圍退屯兵庫尊氏直義進抵兵庫
太平記錦旗曜日戰鼓震地梅松論脇屋義助陣
 于經島楠正成屯于漆川義貞將兵二萬五
 千軍于和田崎細川定禪兵二百餘人先與
 義助戰悉歿定禪更率舟軍數百艘欲絕官
 軍後傍岸向緹邊濱梅松論義貞義助空營

逐舟而來尊氏兵一時下船登和田碕官軍
 營地直義既攻克正成于湊川乃俱併軍與
 義貞大戰于生田森敗之義貞走還京師奉
 駕幸延曆寺促法皇廢主詣行在太平記廢主
 託病不往皇年代略記尊氏據東寺為軍迎法皇
 廢主于八幡公卿稍來集尊氏使吉良石堂
 淡川畠山氏由東坂本仁木細川今川荒川
 氏由無動寺高南部岩松桃井氏由西坂本
 攻延曆寺官軍防破之諸軍大潰自相踰藉



死者千許高師重被虜官軍乘勝來攻尊氏
出弱卒誘之官軍進入京師乃大出兵塞礙
街衢縱橫攻擊殺五百餘人官軍又謀東西
夾攻京師尊氏探聽其計乃分軍為三一陣
于東山七條河原一陣于船岡麓一為游軍
陣于西八條官軍果大舉縱火來攻諸軍合
擊大敗之時近幾兵多起應官軍絕水陸糧
路尊氏軍大困乏始猶賣鎧馬供食久而不
能給乃大縱四出劫掠食物褫奪衣服京師

居民累經兵燹既失資業復遇殘暴徃徃出
乞丐飢臥路上雖廢主諸臣之家亦殆不免
焉喪亂之慘極矣官軍復出兵阿彌陀峯今
比叡盛列炬火復將來攻尊氏遣細川定禪
今川範國擊走之太平記義貞又與諸軍約
刻日攻京師舉火為號會北白河民家失火
異本太平記為尊氏偵知舉火為摧中納言
號之謀故焚民居今從太平記為
藤原隆資望之直進攻東寺南門高師直邀
戰見破隆資乘勝急薄譙樓時兵皆外出在

者若弱驚怖不知所為而尊氏誦佛經無少怖色會土岐賴直聞變馳至大戰于羅城門外師直復至俱奮擊却之俄而義貞衝至東寺請與尊氏挺身決戰尊氏曰我非傾覆國家唯陳義貞而已獨身決戰我所願速閉門我將出也上杉重能固諫而止土岐賴遠等出義貞後圍之數重義貞突圍而脫去尊氏欲復廢主位衆以謂此主往時為北條高時所立曾不踰年海內覆亂北條氏滅矣立之

不祥遂奉其弟豐仁親王稱帝是為光明院

號用建武補任皇年時為之詔曰君王多福

未親一戰將軍賜以王位太平記先是興福寺

為官軍援尊氏與食邑誘之於是叛黨于尊

氏乃命足利高經以兵扼北陸道小笠原貞

宗率甲斐信濃兵屯近江野路梗官軍糧運

延曆寺僧徒屢來爭貞宗擊退之尊氏使佐

佐木高氏助貞宗梅松論脇屋義助來戰高氏


擊走之官軍內乏糧食外攻不利勢孤援絕

大日本史 卷之百八十四
飢窘益甚尊氏密遣使賴僧忠圓偽送降作
誓書奏曰臣前陷讒毀爰蒙天譴臣欲則披
剝謹俟明誅然新田義貞賜屋義助憑籍天
威謀逞私怨臣故不獲已舉兵非敢有悖逆
無上之心將以誅奸臣懲將來耳伏冀宸衷
察臣無罪廻鸞輿于九重永寶祚于萬歲凡
後駕諸臣臣敢不復問讐怨其官爵食邑及
天下庶政自今而後一歸朝家帝許之尊氏
大悅曰誰謂君王睿明已陷吾計中矣又贈

書從駕諸將招慰之冬義貞奉皇太子北奔
越前車駕還京到法勝寺尊氏使直義奉迎
遂幽帝于花山院請傳三神器于新主帝乃
授偽器於是悉奪從駕公卿官爵拘繫將士
又矯帝詔遣足利高經仁木賴章等攻義貞
千金碕城無何帝乘夜出花山院幸吉野京
師大騷擾記太平尊氏見諸將謂曰頃間帝在
花山院我固知諸將若於警衛然若倣先代
遷于海島則又所不敢安我甚惑為今帝之

自出是凶中之吉但就其新在漸為之謀耳
於是眾始安論梅松是歲光明院拜尊氏權大
納言補任二年足利高經陷金碕城執皇太
子送京師尊氏幽之義貞入松山城經略北
國兵勢又振尊氏又命足利高經攻之冬源
頭家與北條時行新田義興攻鎌倉義詮敗
走三年土岐賴遠桃井直常等與源頭家戰
于青野原大敗尊氏驚使高師泰高師冬細
川賴春佐佐木氏賴佐佐木高氏等將萬餘

人援之賴遠等尾頭家至黑地前後夾擊頭
家轉道伊勢師恭追戰雲津川敗之頭家入
南都賴遠夾擊據遣直常及弟直信急往擊
破之時義貞拔越前府城高經大敗走保足
羽初高經執皇太子也誘問義貞義助所在
太子給曰皆自殺矣以故緩松山之攻至是
尊氏始知為其所給與直義謀進藥弒皇太
子及成良親王源頭家屢出兵於和泉使弟
顯信據男山尊氏遣高師直攻之師直分兵



大日本史 卷之百一十四

圍男山親督兵士與顯家戰安倍野顯家敗
死男山尋陷高經與義貞相持久之義貞中
矢死傳首京師於是諸國官軍勢日蹙將士
相率降太平記 光明院授尊氏正二位拜征夷
大將軍太平記以拜將軍係二年 四年高經
與義助戰越前敗尊氏遣高師治土岐賴遠
佐佐木氏賴鹽治高貞等諸將援之高師直
謀奪高貞之妻誣其謀反高貞奔于出雲遣
山名時氏及子師義追殺之高經與師治等

遂攻拔杜山城悉取北國諸城義助走根尾
城土岐賴康擊走之是歲後醍醐帝崩後村
上帝登祚宣遺詔討尊氏興國六年荻野朝
忠三宅高德起兵丹波尊氏使山名時氏攻
之朝忠降高德擁柵屋義治竊入京師尊氏
遣所司代都筑某率兵捕之義治等走信濃
正平三年楠正行出兵摂津以伺京師遣細
川顯氏等拒之戰譽田林敗命山名時氏往
援之戰瓜生野又大敗復遣高師直高師恭

大日本史 卷之百一十四 二十一

率精兵數萬赴之明年春師直等與正行大
戰于四條畷正行敗死師直等進逼吉野帝
出幸穴太師直悉火行宮而還師恭進與楠
正儀相持石川夏紀伊官軍起尊氏遣長子
直冬討之園大曆是歲光明院讓位於太子
興仁是為宗光院四年夏遣直冬于備後為
中國探題直義與上杉重能畠山直宗謀殺
高師直事漏師直怒招師恭自石川還將攻
直義諸將多應之尊氏大驚遣使謂直義曰

高師直師恭奢侈驕悖無復君臣禮其變不
可測矣回急來共死生直義昂出赴之後兵
途亡宗親信近在者僅千人明日師直師恭
率兵來圍數重尊氏怒使須賀清秀讓師直
曰汝自我袒義家朝臣而累世為我家臣今
汝忘恩背義擅起甲兵將欲託事奪我家乎
不然其宜速罷兵退條陳所訢師直對曰臣
無他志止欲執讒臣者耳麾軍而進尊氏益
怒將出戰直義固諫止之許其所請尊氏從

之師直乃解圍而退尊氏乃罷直義召義詮
 於鎌倉使掌政務流重能直宗於越前師直
 逼殺之又志直冬在備後竊命備後兵士殺
 之直冬逃到肥後五年三角入道屬直冬起
 兵于石見尊氏遣高師直師恭攻之太平記
 土岐周請叛尊氏于美濃尊氏召高師直還
 與義詮共討平之太平記直冬
 勢稍強大冬尊氏率高師直等騎兵八千往
 討即夜直義潛出亡太平記師直請留而索之

尊氏不聽而發

太平記曰諸將請尊氏留而索之師直不聽今從園太曆

駐軍于備前福因從諸國兵適聞直義歸順
 謀攻京師急引兵歸六年春直義據男山桃
 井直常據延曆寺將攻京師義詮棄京師走
 直常入京師尊氏遇義詮于西郊分軍攻直
 常走之太平記又遮擊于北白川復敗之尊
 氏入京師是夜將士多降于直義明日尊氏
 與高師直西走至書寫山高師恭解三角圍
 而至直義使石堂賴房來攻尊氏親將兵擊

大日本史 卷之百十四
之不利直義又使畠山國清上杉義依援賴
房尊氏逆戰于御影濱大敗狼狽入松岡城
至夜召高師直問兵數有幾師直曰見兵五
百其餘皆亡去尊氏嘆曰我事去矣因解甲
而坐諸將就列將與俱自殺會饗場氏直叩
城東門大呼曰和議定矣諸君勿輕死也門
啟氏直徑入見尊氏曰將軍以臣亡邪臣以
軍士銳氣沮喪也竊往畠山國清營講和國
清道錦小路殿欲懲高兄弟不義然無意必

誅也且臣觀其賜國清書情義深厚誠見于
詞辭將軍勿疑尊氏悅遂率諸將還京師師
直師恭見殺于道直義自男山義詮自丹波
各罷兵還京乃罷義詮復令直義掌政而內
甚不相好時人皆謂尊氏直義雖外相和遂
不但已也既而仁木賴章細川賴春土岐賴
康佐佐木高氏與石堂賴房柳井直常等互
相猜忌各懷疑懼於是淳言沸騰兵端復起
賴章賴春等各逃還領國直義聞之亦奔越

前將士多從之義詮懼其所還襲請為之備
尊氏曰有運在天吟嘯自若秋奉宗光院命
討直義將兵三百抵近江鏡驛佐佐木高氏
及子秀綱仁木義長土岐賴康等各率兵來
會太平記與直義將細川顯氏畠山國清桃井
直常戰八相山破之國清顯氏勸直義講和
不就乃以部眾來降直義走鎌倉異本太平記尊
氏乃還京師謀復親往擊之而懼京師空虛
為官軍所襲屢遣使吉野請廢宗光院迎車

駕帝不許時赤松則祐在吉野尊氏又依則

祐請降帝佯許之賜詔書使討直義屢遣以下據園

大曆東寺長者補任尊氏乃使義詮留守京師親率諸

將而發到駿河但兵于旁郡時東北諸國既

多屬直義僅招得兵三千進屯薩埴山宇都

宮氏綱起兵于下野為之聲援直義陣伊豆

府遣上杉憲顯石堂義房拒薩埴山桃井直

常拒氏綱氏綱連戰皆克進至古宇津大舉


火炬憲顯義房驚顧大潰仁木義長追至伊

豆府直義逃匿伊豆山尊氏遣畠山國清仁木賴章等貽書招致之七年春尊氏入鎌倉幽直義尋酖殺焉先是新田義興新田義宗賜屋義治起兵上野武藏諸將以多寡難敵請先赴安房上總招諸國兵而擊之尊氏曰避敵而後制勝千而有一今一忒鎌倉則坂東悉為敵有不如先發制之留子基氏守鎌倉自將五百騎而出比抵久米川兵集者幾八萬分為五隊與義興等大戰小午差原殺

傷相當饗場氏直所率兵皆少壯堯瑩挾勝花號花一揆與兒玉黨戰大敗奔赴尊氏中軍諸軍撓敗為義宗所乘奔至石濱尊氏幾危親兵二十餘騎拒戰而死會日暮義宗亦退尊氏賴而得免仁木賴章仁木義長與義興義治戰敗之義興義治又聚敗卒轉攻鎌倉基氏敗走時義宗屯笛吹尊氏以為先破義宗則鎌倉不支乃將兵攻笛吹苦戰數十合義宗走越後兵士悉降于尊氏義興義治

景巡尊氏入鎌倉八年夏山名時氏持歸官
軍攻破京師義詮奉後光嚴院走美濃尊氏
留基氏于鎌倉為關東管領親率諸軍而西
太平記翌年春尊氏上洛今從東寺長者補
任園太曆異本太平記歷代皇紀皇年代畧
記續神皇會義詮于鏡驛共奉後光嚴院入
京師奉光嚴據以仁木賴章為執事九年先
是直冬歸順與山名時氏奉詔討尊氏足利
高經挑井直常率北國兵應之兵勢甚熾尊
氏使義詮屯播磨班鳩驛備時氏冬直冬時

氏等並進到丹波尊氏以京師兵寡不可守
乃奉後光嚴院走保近江武佐寺
太平記為
明年正月
之事今從歷代皇
紀皇年代畧記十年春直冬等入京師仁
木義長土岐賴康佐佐木氏賴等率兵會尊
氏于武佐寺乃與義詮刻日東西夾攻京師
破山名時氏于神南尊氏屯東山仁木賴章
屯嵐山義詮屯山碕塞諸道直冬等糧援懸
絕尊氏遣諸將急攻之直冬等遂敗走尊氏
迎後光嚴院入京師
太平記十三年四月尊氏



惠癰薨年五十四

補任皇年代畧記太
平記東寺長者補任

稱等

持院又稱長壽院

足利家傳法名仁山
妙義園大曆

後光嚴院贈從一位左大臣

補任太
平記尊氏宇

量弘裕規略遠大赴事若緩不及而分畫已
明細維光布時出權詐無窺其際仕人不疑
視金帛如土石嘗值八朔將士獻物鉅萬一
時願與悉散盡初自筑紫還新田義貞解白
旗之圍而太赤松則村持其所遺旗百餘到
室津尊氏視多有舊部下憾曰此曹為一時

避害耳想當不日必來也後果如其言常慕
源賴朝之治跡言必稱之嘗謂直義及高師
直曰昔右大將在伊豆處心積慮殆乎二十
年平氏罪惡貫盈而始揚兵唱義前後五年
戡定四方其所以信賞必罰翕服人心至今
傳為美談也然用刑苛刻多疑果殺戮骨肉
不免橫死為可憾也我則不然苟有降附者
則不問深讐大敵邑土不遷安堵如故况於
有切之臣乎必將酬以重祿高賞也子等輔

大日本史 卷之百八十四
我為政宣體此意矣初以犯順起兵懼人心
不服陽尊光剛院事必稟請及得老莫復所
忌憚視其主如弁髦廢立皆俟其手而成天
下郡縣不問神祠封戶公卿食邑強奪豪占
悉傾給將佐賦五十分之一資軍興之用雖
其主供御時或闕乏而不顧也宗人顯列者
凡四十三人守護吏務不可勝計衣冠盛門
被其凌轢及諂媚其僕隸至於衛府北面之
士競學以東衣服言語欲以免其侮笑焉自

兵興以來前後二十餘年京師為爭戰之區
官民殿舍悉焚燬蕩盡饑疫相踵盜賊縱橫
死者枕藉而尊氏將士日鬪茶博飲競以奢
靡相夸錢帛器玩悉散予優故一遊之費幾
乎不貲調發四方侵漁百姓冤獄頻起賄賂
公行上下彫弊終之父子兄弟日尋干戈海
內騷然無復寧歲矣始興國二年京師郡國
大疫災變荐見尊氏直義恬視謂是天災非
人力所可能救也僧智曜始以禪教為尊氏

直義所崇信謀藉其力創寺幸天災使說之
曰近屢夢吉野先帝駕金龍過大井河而變
異適見蓋其為崇也請起寺薦福以慰譴怒
先帝指後醍醐天皇也尊氏信之乃謀安藝
周防用二國袒賦創寺于龜山殿故趾又多
遣珍奇于蒙古國互市所得贏利亦數倍悉
用充料費凡六年至于正平元年始成經費
累鉅萬名以天龍置僧二千人使智曜主之
請光明院親臨慶之準勅願寺光明院皆許

之延曆寺僧徒以禪教盛行不利于台教也
請廢天龍寺遠貶智曜言若不見聽當奉神
輿入京也尊氏直義怒曰建寺崇法上下歸
佛在乎凡方袍圓頂者所當隨喜且寺我為
之何預汝事若奉神輿而至則可差兵拒之
或棄置道路則當沒在京山徒資財而改造
之耳僧徒發怒以事牒興福平泉諸大寺謀
必遂所請大臣藤原氏者亦乞光明院允其
請因罷準敕願之命於是尊氏直義各駕八

葉車異本太平記作小八葉車今後園大率曆及二階堂道本天龍寺供養記

宗族將士往慶之明日光明院與花園光嚴

二上皇亦同詣焉法會之盛近古未之有也

又嘗為文祭後醍醐帝極述帝恩悲哀之情

太平記梅松論子直冬竹若義詮基氏擊王

竹若幼從舅僧良遍居伊豆山尊氏婦義良

遍竊將竹若詣京師道為北條高時兵所害

太平記按名僧畧傳以南禪寺僧海壽為尊氏子無所合考故不取也直冬義

詮基氏各有傳聖王興國元年七歲天光明

院為之廢朝七日園太曆常樂記

大日本史卷之一百八十四終

大日本史卷之百八十四
足利義詮
將軍七
足利義詮
足利義詮小名子壽王尊氏次子也
補元弘三年尊氏從北條高時令西禦官軍
義詮與母赤橋氏留在鎌倉及尊氏起兵家

大日本史卷一百八十五

列傳第一百十二

權中納言後三位源光圀 修

男權中納言後三位細條 校

將軍七

足利義詮

足利義詮小名子壽王尊氏次子也 源氏系
圖公卿

補元弘三年尊氏從北條高時令西禦官軍

義詮與母赤橋氏留在鎌倉及尊氏起兵家

人抱走下野新田義貞滅高時家人又奉義詮以兵二百屬之仍居鎌倉尊氏遣細川和氏細川賴春細川師氏還于鎌倉輔之關東將士多去義貞而歸義詮語具和氏傳中梅松論太建武二年叙從五位下系圖補任延元二年秋鎮守府大將軍源頭家攻鎌倉義詮遣細川和氏及上杉憲頭高重茂拒於利根川大敗而還冬頭家與北條時行新田義興合兵來攻諸將議走安房上總避其鋒義詮曰我

為關東管領安可畏避坐受外侮今日決死一戰幸而得脫則退安房上總蹶敵西上可以至宇治勢多與家大人夾攻之也時年八歲太平記作十一歲今據補任堆年甲訂之諸將嘆服乃分路出拒不利奉義詮逃走頭家進向京師義詮復入鎌倉太平記興國五年光明院遙授義詮左馬頭補任正平元年進從四位下補任足利家傳四年至京代叔父直義掌政事直義尋歸順太平記五年秋義詮與高師直擊土岐賴明於美濃

虜之而還園太曆祗園執行日崇光院賞功

任參議兼左近衛中將補任園明年春直義

將官軍進據男山挑井直常陣坂本時尊氏

討度長子直冬于筑紫京師兵寡又多通志

于直義致降相繼義詮置關防過之守者亦

相率已去留者僅一旅而已於是細川清氏

仁木賴章等勸義詮西與尊氏兵合義詮從

之與俱棄京師西奔會尊氏聞變自筑紫引

還遇諸桂川復俱入京師明日尊氏又西走

義詮及仁木賴章弟義長留丹波石龜寺據

險設寨荻野波波伯部久下長澤氏等相續

來集兵勢稍振尋尊氏與直義講和還京師

召義詮還未幾直義逃於鎌倉太平冬尊氏

欲親往擊直義乃先佯歸順命義詮廢宗光

院及太牙直仁奉正平號補仁曆代皇紀紹

歸順為義詮之謀謀也今七年春獻沙金三

千兩馬十匹於行在贈鞍馬金帛於後宮百

僚有差太平閏月帝幸男山大嚴兵士義詮

使僧慧鎮奏曰如聞和田楠諸將戒嚴禁旅
臣既蒙洗滌上下和親矣不審是為何所備
也詔曰天下未安非常之事不可不戒卿其
莫為嫌疑義詮信之不設備既而官軍公路
掩至細川顯氏細川賴春逆戰大敗義詮與
後者百三十東走光嚴光昭宗光三院及直
仁親王為官軍所虜義詮至勢多敵已燒斷
橋不能進兵有善水者游至前岸挈舟而來
異本太平記曰佐佐木高氏索舟而來因濟眾畢乃命沈舟矣

曰今可謂始得生矣進至武佐寺土岐賴康
大高某佐佐木高氏等率所部赴之義詮率
騎三萬漸進至東寺官軍退于男山細川顯
氏與赤松則祐引兵至義詮聲勢大振因使
顯氏及斯波氏經第氏賴詮經細川清氏塞
東條路以絕男山糧餉太平記作義詮親塞東條路今後園大曆
異本太平記進戰連捷義詮合諸將兵刻期並進
大高橋氏舍戰園殿口佐羅科大敗官軍遂
迫男山帝衝圍還賀名生義詮諸將督兵追

之獲大納言藤原隆資秋義詮奉宗光院太
身稱帝是為後光嚴院八年夏山名時氏與
官軍俱東攻京師兵勢甚銳諸將請避近江
義詮不聽移後光嚴院於東坂本率諸將陳
于靈山拒之不利明日奉後光嚴院東走官
軍遮擊於真野浦佐佐木秀綱戰死義詮遂
走至井園太平官軍守京師秋義詮率東海
東山北陸三道兵進逼京師時氏等不戰而
走義詮入京師園太平尊氏自鎌倉還義詮

出迎鏡驛乃以後光嚴院入京師園太平東

任太平尋西出播磨氏斑鳩驛以備時氏異本

記九年冬足利直冬與山名時氏進兵至丹

波尊氏逃近江十年春直冬時氏入據京師

園太平記東寺長者補任方是時四國西國兵

士大集斑鳩驛義詮因與尊氏謀夾攻京師

乃率赤松則祐佐佐木高氏細川賴之等至

神南與時氏及子師義戰見敗師義直衝義

詮陣高氏則祐殊死戰更大敗之尊氏進軍

東坂本攻直冬走之太平記十一年叙後三位

補任家傳十三年夏尊氏歿義詮嗣立後光嚴院

授征夷大將軍補太平記筑紫探題一色直氏

與菊池武光戰敗還于京師武光兵威大振

義詮懼其乘變來攻遣細川繁氏鎮撫九國

繁氏途病死太平記十四年春兼武藏守補任家傳

以細川清氏為執事菊池武光攻取日向三

股城守將畠山國久出走少貳賴尚大友氏

時與武光戰互有勝敗是時義詮弟基氏居

鎌倉管領關東頗得士心義詮稍忌之基氏

懼請發兵攻吉野以自效義詮聽之於是基

氏遣畠山國清率兵至京師義詮乃將國清

及諸將兵出屯尼崎明年春遣畠山國清等

進屯津津山與官軍相持畠山義深戰龍門

山大敗義詮使畠山義熙等援之官軍敗走


諸將尋取龍泉平石諸城官軍退保金剛山

夏義詮引諸軍退秋和田正忠楠正儀絕渡

邊橋將攻譽田城義詮驚愕未知所遣畠山


國清與細川清氏等引兵赴天王寺官軍不
戰而退國清等仍議返攻仁木義長事播京
師義長乃幽義詮勒兵衛守要求請朝旨降
教書以討國清義詮不獲已從之而密與佐
佐木高氏謀脫去會義長夜侍義詮稱病發
入臥帳內義長出義詮乃蒙婦人衣率親近
三人間出側門得高氏所具馬疾馳至西山
將士聞之四散翌日義長率殘卒東走遂降
吉野國清等自天王寺還官軍又出於是大

和河內和泉紀伊之間諸城失守京師大騷
國清恐咎歸己奔歸鎌倉既而義長使弟義
住與石堂賴房將兵俱陣葛木山佐佐木氏
賴擊之義住敗降十六年秋細川清氏與佐
佐木高氏相惡義詮懼走新熊野迎後光嚴
院迎後光嚴據後愚斷橋自守清氏使人請
問罪故不答清氏走若狹義詮遣斯波氏賴
等擊之清氏敗降吉野楠正儀和田正武攻
攝津佐佐木秀詮及弟氏詮戰神崎橋敗死




冬細川清氏帥官軍大舉夾討細川氏春率
伊勢淡路兵會之赤松範實亦屬官軍義詮
遣佐佐木高秀於忍常寺忍異本太平記今
作恩常作頂
川貞世於山崎吉良滿貞等於大渡禦之別
殺將士守淀鳥羽伏見竹田高秀望官軍閉
營不出貞世亦引兵而逃它軍悉無鬪志於
是義詮又奉後光嚴院走近江居武佐寺官
軍入京師燒義詮第既而土岐賴康仁木義
住與官軍戰伊勢丹波有利足利高經赤松

範實又屬義詮軍士雲集義詮諸道攻京師
別使赤松氏範犯吉野官軍聞之自退義詮
乃入京師十七年細川清氏略四國山名時
氏拔倉懸城山名師義徇但馬丹波義詮遣
石橋和義今川貞世大島義高將兵三千拒
師義師義不戰而退義詮以斯波氏經為九
國探顯秋細川賴之與細川清氏戰讚岐獲
清氏楠正儀和田正武攻攝津佐佐木高氏
兵拒之神崎見破斯波氏經與菊池武義戰



長者原見敗是歲以斯波氏賴為執事尋罷以其弟義將代之而事皆取決於其父高經明年春大内弘世以長門周防來降山名時氏山名師義仁木義長石堂賴房亦相續降太平記十八年後光嚴院授義詮從二位權大納言二十年丁母憂辭職尋復職補任家傳二十一年秋義詮聽信諸將言將兵誅足利高經及義將命佐佐木氏賴召近江兵至高經泣訴無罪義詮更為好語諭遣高經義將乃走

越前據松山栗屋二城叛義詮遣畠山義深山名時氏等攻之二十二年春進正二位補任家傳高麗國兼元主旨遣使貽書請禁我民往擾其邊境者義詮答以海賊所為難速加勦捕因付鎧馬絞縮等予使者遣之太平記為九月蓋據高麗牒文使是歲足利高經死之日也今後善隣國室記義將降義詮復命為執事尋改執事稱管領十二月義詮薨年三十八補任家傳太平記法名瑞山道權稱寶篋院後光嚴院贈左大臣後



一位系圖常記義詮晚年居坊門第世稱坊門

殿家傳難記義詮好倭歌尊氏之喪後光嚴院

贈官義詮對其使作倭歌以謝詞極悲哀後

光嚴院感其載之新後撰集正平中後光嚴

院行中殿倭歌會義詮與焉太平記三子曰義

滿別有傳曰滿詮後二位權大納言應永二

十五年薨贈後一位左大臣補任系圖家傳薩戒記曰

滿高為佐佐木氏賴所子養系圖

大日本史卷一百八十五終

大日本史卷一百八十六

列傳第一百十三

權中納言從三位源光圀修

男權中納言從三位細條校

將軍八

足利義滿

足利義滿小字春王細川賴義詮子也足利家傳

正平十六年官軍襲京師義詮逃近江義滿

時幼從者抱走南禪寺僧良芳以衣被蔽匿

五日送致赤松則祐白旗城明年還京師林禪

傳諸祖二十一年冬後光嚴院授以後五位下

親書其名賜之傳家明年冬義詮有病使義滿

監政事授正五位下任左馬頭公卿補任後

記十二月義詮薨義滿嗣年甫十歲聰英右

偉度細川賴之為執事亦頗善輔導諸將敬

憚之乃下條令檢省諸事設將士畧服制勿

得僭奢不度凡供御官田及公卿定額寺社

封戶其租賦一圓輸納其諸國本所領之租

賦為二分半濟於本所領家半濟於雜掌方

自後固守此法不得違越若先將軍之時所

定一圓知行之地不在此限花營三代記二

十三年春挑井直常以兵據越中松倉城三代

記秋足利氏滿遣兵與新田義宗眠屋義治

戰越後上野之間義宗敗死義治走不知所

之喜連川冬拜征夷大將軍補任後深心院

二十四年春楠正儀降秋赤松氏範歸順義

滿遣赤松則祐赤松光範攻之戰於撰津中

島氏範敗走建德元年春越中長澤守護義

經姓與挑井直和戰獲之直常棄松倉城而

走二年秋越中能登國兵與直常戰敗之三代

記冬九州兵起義滿以今川貞世為探頭與

大内義弘俱擊之二人連歲攻戰漸就底平

三代記應永掬正儀來謁義滿遣還以圖吉

野官軍屢往來紀伊河内之間攻正儀至是

義滿與細川賴之謀大舉攻吉野召兵諸國

遣細川賴元將以援正儀官軍引退賴元屢

戰有利乃還後深心院是歲後光嚴院讓

位於皇太子是為後圓融院文中二年春義

滿使細川氏春攻天野行宮秋帝移蹕於吉

野避之氏春與大納言藤原隆俊戰獲之後

心院冬任參議兼左近衛中將

叙正四位下三代記補任喜連川系圖曰是歲

義滿親率諸將平西國然考三代記天授元

年秋今川貞世與少貳冬資戰殺之三代冬

叙後三位四年春任權大納言造室町新第

成徙居焉世稱云花亭家傳秋兼右近衛大將

冬叙從二位五年春為右馬寮御監補任三代記家

傳先是和泉土丸城人橋本正督降義滿因

遣兵南下屢敗官軍尋遣山名義理山名氏

清等攻拔土丸城是春連陷紀伊之藤波石

垣等城時又遣諸將擊大和十市氏而會足

利氏滿謀救事稍漏聞義滿遽召南行諸將

還備京師以書與氏滿執事上杉憲春喻解

之事因而釋喜連川系三代記夏義滿忌細川賴之

有權積成嫌隙於是集兵自備命其罷還讚

岐尋將發兵擊之適義滿意解而寢以斯波

義將為管領三代記東寺長者補任六年春叙從一位

補任三代記家傳秋山名氏清與官軍戰紀伊大敗

之獲橋本氏部太輔某等三代記關末又敗高

野政所隅田某取生地城三代記弘和元年任

內大臣明年春轉左大臣為藏人所別當聽

牛車為院執事補任家傳山名氏清擊破官軍於

是悉取河內和泉紀伊行在載保吉野三代記和

漢合夏後圓融院讓位於皇太子是為後小

松天皇皇年代三年為淳和院拜學院別當

源氏長者先是久我氏世為源氏長者至此

始屬足利氏尋准三宮補任冬後小松天皇

幸室町第傳家足利氏世宗禪教至義滿益盛

始置僧錄司造鹿苑院寶幢寺是歲又造相

國寺令諸國守護助作規制宏麗當時無比

後造七層塔于寺內禪林諸祖傳和漢合元

中元年辭大將補任四年春後小松天皇元服

義滿為理髮傳家秋獲新田氏族二人斬于京

師常樂五年如駿河觀富士山東寺長者還

辭左大臣補任六年春如安藝謁嚴島祠計躬

如筑紫巡察時風也命細川賴之備舟到嚴

島進泊周防嚴屋時大風連日舟漂不得所

屆義滿時乘小舸夜至田島浦投渙人家翌

日與賴之會輒俱東還嚴島詣七年春遣兵

擊土岐康行于美濃康行請降乃釋之明德


是役為元中六年是歲遣山名氏清山名滿幸

擊山名時熙及山名氏之以其拒命也氏清
請加訓責教之自新義滿怒曰兵業已命行
矣更依何等入來謝弗聽也氏清滿幸遂往
攻走之義滿仍授時熙氏之所管伯耆隱
岐于滿幸但馬于氏清八年夏罷斯波義將
以細川賴元為管領召細川賴之還輔政如
故東寺長者補仕按明德記曰先是山名時
熙山名氏之潛入京師謝罪義滿將聽之山
名氏清山名滿幸聞怒是歲冬遂舉兵嚮京

師上下大騷義滿遣使諭氏清兄義理止之
不聽義滿欲察諸將向背夜召至古山滿藤
宅議軍事衆或曰國家須要無事被若者所
訴為善聽之也義滿曰彼圖天下更何所訴
即使釋之後必復及不如時誅也揣彼謂我
拒東山比敵之隙而吾乃親出東寺諸將陣
內野誘入而夾攻之可一戰決也一色詮範
曰東寺之與內野勢難相救願將軍就陣臣
家厚集諸軍以拒內野聽敵平進併力撲擊

若其後竹田直指京中則抽軍遞出要之街
陌而別以偏師屯東寺戰酣橫斷其後可殲
之道也義滿從之明日出陳詮範堀川第分
遣細川賴之細川賴元大内義弘赤松義則
畠山基國等兵八千陳於内野神祇官等處
今川泰範佐佐木滿高兵八百於東寺明德記
是日齎師坂士佛獻藥問之名曰必勝敬義
滿大悅李瓊錄明早山名氏清先鋒至大宮大
内義弘與戰敗之斬其將山名義數等聞敵

大軍續進馳還請救義滿與之佩刀獎勵其
力戰遣赤松義明助之時山名滿幸入内野
細川賴之畠山基國與戰不利義滿乃率旗
下兵三千赴救更敗走之而氏清以三千兵
入大宮鋒銳甚義滿又遣一色詮範助義弘
伺戰酣乃又親督麾下鼓譟而進敵望義滿
旗大潰氏清遂為詮範所斬義滿視其首曰
天誅不容卿等視謀逆者竟何如後設法會
於内野弔戰死者併祭氏清時人稱其恩明



年春論諸將滅山名氏清功行賞分配其所
 管十國授山城于畠山基國丹波于細川賴
 元美作于赤松義則和泉紀伊于大内義弘
 但馬于山名時熙伯耆于山名氏之隱岐出
 雲于佐佐木高詮以一色詮範勲最大授之
 若狹今富莊尋遣義弘攻山名義理於紀伊
 義理逃去後獲山名滿幸誅之明德記賴之
 命足利氏滿併領陸奥出羽喜連川三月細
 川賴之死義滿素服親送喪明德記秋供養相

國寺後小松天皇勅准御齋會相國寺供冬

使大内義弘講和于吉野帝許之乃幸京師

傳三神器於後小松天皇續神皇正統記東

記自義滿袒尊氏奉立光明院凡易世五主

歷五十有七年至此南北混一矣是歲冬復

任左大臣補明德四年秋賜兵伏辭左大臣

補是歲罷細川賴元再以斯波義將為管領

斯波應永元年秋相國寺火再造之符冬辭

征夷大將軍尋任太政大臣補任家傳治

為大政大臣帝難之義滿怒欲以斯波細川
等為攝家土岐赤松等為清華自為天子而

廢朝廷帝大驚許之然
諸書無所見今不取
二年夏帝幸室町第

家傳尋辭太政大臣剔髮號天山道義
家補任秋

如延曆寺儀擬御幸
家傳四年因故藤原公經

北山莊為別墅使諸國守護助作大竊土木

作三層閣得板方一丈二尺為床床壁柱戶

悉金塗之雪溪見謂義滿曰直是西方極樂

界矣已成徙居之使義持居室町第
家傳北

件記錄是歲少貳菓池千葉大村等作亂筑紫

大内義弘擊平之
應永五年罷斯波義將以

畠山基國為管領
畠山六年冬大内義弘友

以兵據畠浦其黨土岐詮直起于尾張京極

五郎左衛門某于近江山名時清于丹波義

滿遣使招義弘又命僧中津往諭義弘不從

義滿曰彼自恃兵馬之強不知我力令然也

乃親出軍男山遣畠山基國斯波義將細川

賴元將兵三萬攻克之斬義弘遣兵擊詮直

五郎左衛門時清等並皆伏誅時清氏清之

子也是時也足利滿兼與義弘恊謀欲東西
並舉攻京出陣武藏府中聲言為義滿援義
滿謀知之間使約和授以足利莊乃釋八年
先是義滿遣僧袒阿商人肥富于明國通好
文中中明主三遣使求通商交市且禁我人
擾邊路阻不通又命僧至不答自是信使不
絕使皆僧為之善隣國實記十二年罷斯波義將
以斯波義重為管領斯波系圖十五年春帝幸北
山別墅義滿著衲衣午念珠携幼子義嗣出

迎義嗣班関白藤原経嗣上家傳行五月薨

年五十一稱鹿苑院家傳鹿苑院詔贈號太

上皇義持辭不受尊卑自尊氏義詮為治寬

不戢下諸功臣強恣動搆叛亂義滿襲職紀

綱一振大以制服之山名大内氏相繼誅鋤

倔彊之徒悉熄應永記川系圖難太平記義滿

以戊戌生人以其本命字偕從戈也謂所以

能武治天下也自甫嗣細川頼之盡心輔翼

多薦老成士如雪溪常隨事聞導多所匡益



義滿嘗觀大追物曰此武事不可不講也然如誤墜易傷何雪溪曰衆人傷則患止一身主公傷則禍及四海有罪人義滿欲毀其宅雪溪曰昔平康賴召自流所還歌曰布流佐斗能能岐能伊多麻珥古計牟志氏於宅比志保斗波毛羅奴豆岐加奈以是觀之古不毀也義滿皆納之其平殺亂合版圖以盛足利氏之業者左右諭教之功不勦然中歲驕侈行多不法政令任意諸將亦多怨焉錄曰作

工集難

尊氏之時凡行事沿用源賴朝制至

義滿其法益備云

家傳三代記梅松論

子義持嗣次義

嗣次義教次五子法尊尊滿義兼義隆義昭

皆為僧


始分脈格治亂記曰公方之稱自義滿始

冠族出入其門被恩私者曰昵近衆皆此記

出後人傳會不足信徵小御所名見東鑑焉

非義滿所創如公方昵近未審實始

此否也稱義滿為公方見難太平記



大日本史卷一百八十六終

皇朝通志卷之百八十六

八日... 百八十六...

...

...

...

...

...

...

...



[Faint bleed-through text from the reverse side of the page]

